

四庫全書

集部

欽定四庫全書

古詩紀卷一百五十一 明 馮惟訥 撰

別集第七

品藻五

北魏

胡武靈后

楊華既奔梁元魏胡武靈后作楊白華歌令宮人連臂踏之聲甚淒斷柳子厚樂府云楊白華風吹渡江水坐

令宮樹無顏色搖蕩春心幾千里回看落日下長秋哀  
歌未斷城烏起言婉而情深古今絕唱也魏舊歌云陽  
春二三月楊柳齊作花春風一夜入閨闥楊花飄落入  
南家含情出戶脚無力拾得楊花淚沾臆秋去春來雙  
燕子願銜楊花入窠裡此辭亦自奇麗錄之以存古出

樂府廣題云

許彥周詩話

元或

宇文若奏郊廟歌詞時稱其美

歷代吟譜

祖瑩

瑩八歲能誦詩書十二為中書學生以文學見重嘗語人云文章須自出機杼成一家風骨何能共人同生活也蓋譏世人好竊他文以為已用而瑩之筆札亦無乏天才但不能均調玉石兼有其製裁之體減於袁常焉

北史  
本傳

常景

景耽好經史愛玩文詞每讀書見古昔可以鑒戒諸事

為象贊而述之曰周雅嘗因出塞經涉山水悵然懷古

乃擬劉琨扶風歌十二首

北史本傳

景少聰敏及長有才思雅好文章明帝行講學之禮於

國子寺詔有官作釋奠詩以景作為美

歷代吟譜

### 溫子昇

梁使張臯寫子昇文筆傳於江外梁武稱之曰曹植陸  
機復生於北土恨我辭人數窮百六濟陰王暉業嘗云  
江左丈人宋有顏延之謝靈運梁有沈約任昉我子昇

足以陵顏轢謝含任吐沈

北史本傳

崔陵

崔瞻

魏孝靜人日登雲龍門崔陵侍宴又敕其子瞻令近御坐亦有應詔詩帝問邢邵曰此詩何如其父邢曰陵博雅弘麗瞻氣調清新並詩人之冠譙罷共嗟賞之咸曰今日之譙并為崔瞻父子

何氏語林

張裴裳

法雲寺北有尚書令臨淮王彧宅彧性愛林泉又重賓

客入其室者咸謂登仙荊州秀才張裴裳為五言有清  
拔之句云異秋花共色別樹鳥同聲或以蛟龍錦賜之

伽藍  
記

### 宋道輿

坐王瑜反得罪作詩及挽歌詞寄親朋以見冤痛

歷代  
吟譜

### 刁雍

刁叔和性寬柔好尚文典手不釋書明敏多智凡所作

詩賦等有百餘篇

陸恭之

與兄暉並有時譽所著文章詩賦凡千餘篇

李槩

李李節少好學自簡詩賦二十四首謂之達生丈人集

游肇

游伯始博綜經史詩賦表啓凡七十五篇

趙逸

趙思羣性好墳典凡所著述詩賦銘頌五十餘篇



鄭道昭

鄭希伯少好學綜覽羣言好為詩賦凡數十篇

裴敬憲

裴孝虞少有志行博學才清澹於榮利風氣俊遠五言之作獨擅於時聲名甚重後進咸宗慕之

李彪

李道固好學不倦為十二次詩

崔光

崔長仁孝文曰今日之文宗也持節陝西賦詩三百篇  
為五韻詩以贈李彪

梁祐

常與朝廷名賢泛舟洛水以詩酒自娛

張始均

張子衡端潔好學著詩賦數十篇

並同上

北齊

陸邛

印字雲駒齊之郊廟諸歌多印所制

歷代吟譜

魏收

收少機警不持細行與濟陰溫子昇河間邢子才齊譽

世號三才魏帝季秋大射普令賦詩收詩末句云尺書

徵建鄴折簡召長安文襄壯之

北史本傳

盧詢祖

盧詢祖嘗作趙郡王妃挽歌其一篇云君王盛海內伉

儷盡寰中女儀掩鄭國嬪容映趙宮春艷桃花水秋度

桂枝風遂使叢臺夜月明滿牀空當時嘆以為佳

何氏語林

### 蕭慤

袁奭等俱涉學有文詞荀仲舉蕭慤工於賦詠慤曾秋夜賦詩其兩句云芙蓉露下落楊柳月中疎為知音所

賞

北齊文苑傳

邢子才曰蕭仁祖之文可謂雕章間出昔潘陸齊軌不襲建安之風顏謝同聲遂革太元之氣自漢逮晉情賞猶自不諧河北江南意製本應相詭

蘭陵蕭慤梁室上黃侯之子工於篇什嘗有秋思詩云  
笑容露下落楊柳月中疎時人未之賞也吾愛其蕭散  
宛然在目潁川荀仲舉瑯琊諸葛漢亦以為爾而盧思

道之徒雅所不愜

顏氏家訓

問李白清水出芙蓉天然去雕飾前輩多稱此語如  
何朱文公曰自然之好又不如芙蓉露下落楊柳月  
中疎則  
尤佳

許彥周曰六朝詩人之詩不可不熟讀如芙蓉露下  
落楊柳月中疎鍛鍊至此自唐以來無人能及也退  
之云齊梁及陳隋衆作等蟬  
噪此語吾不敢議亦不敢從

祖珽

孝徵和公主遠嫁詩二首大為時人傳詠

歷代吟譜

劉逖

字子長卷不離手頗工詩詠

鄭元禮

字文規少好學愛文藻有名望

裴澤

頗有文學詠石榴詩微以託意

楊惲

字遵彥所著詩賦甚多門生鳩集所得者萬餘言

馬子結

魏太和中入洛父祖俱清宦

房彥詢

所贈江總詩今見總集

並同上

斛律金

斛律金敕勒歌曰敕勒川陰山下天似穹廬籠蓋四野

天蒼蒼野茫茫風吹草低見牛羊金不知書同於劉項  
能發自然之妙韓昌黎琴操雖古涉於摹擬未若金出

性情爾

碧溪漫志

北周

庾信

信幼而俊邁博覽羣書父肩吾為梁太子中庶子掌管  
記東海徐摛為左衛率摛子陵及信並為抄撰學士父  
子在東宮出入禁闥既文並綺艷故世號為徐庾體焉

北史



○隋書曰高祖受禪後令魏澹注庾信集世稱其博物

朝野僉載曰梁庾信從南朝初至北方文士多輕之信將枯樹賦以示之於後無敢言者時溫子昇作韓陵山寺碑信讀而寫其本南人問信曰北方文士何如信曰唯有韓陵山一片石堪共語薛道衡盧思道少解把筆自餘驢鳴狗吠聒耳而已

太平廣記

山谷言庾子山澗底百重花山根一片雨有以盡登高臨遠之趣喜晴應詔全篇可為楷式其卒章有慶兆民

同論年天子萬不獨清新其氣韻尤更深穩

潘子真詩話

庾信之詩為梁之冠絕啟唐之先鞭史評其詩曰綺艷杜子美稱之曰清新又曰老成綺艷清新人皆知之而其老成獨子美能發其妙余嘗合而衍之曰綺多傷質艷多無骨清易近薄新易近尖子山之詩綺而有質艷而有骨清而不薄新而不尖所以為老成也若元人之詩非不綺艷非不清新而乏老成宋人詩則強作老成態度而綺艷清新槩未之有若子山者可謂兼之矣不

然則子美何以服之如此

譚苑醍醐

庾信之作如玉臺九成瓊樓數仞規模崇麗氣象清新

步虛諸什並懸絕塵境

竹林詩評

蕭圓肅

蕭明恭風度純雅敏而好學為文海四十卷

歷代吟譜

唐令則

性好篇章兼解音律文多輕艷為詩人所傳

劉粲

榮聞故人入鄴不勝泣為詩贈之曰聞道漳濱信依然  
憶舊居又贈司馬幼之曰白帝望青衣路長音信稀

並同

上

于宣敏

宣敏字仲達少沈密有才思年十一詣周趙王命之賦  
詩宣敏為之甚有幽真之志王大奇之坐客莫不嗟賞

起家右侍上士

隋書

隋

煬帝

煬帝初習藝文有非輕側之論暨乎即位一變其體與越公書建東都詔冬至受朝詩及擬飲馬長城窟並存雅體歸於典制雖意在驕淫而詞無浮蕩故當時綴文之士遂得依而取正焉所謂能言者未必能行蓋亦君子不以人廢言也

隋書文苑傳敘

帝初屬文學庾信體及見柳詵以後文體遂變

隋書柳詵傳

煬帝大製艷篇辭極淫綺今樂正白明達造新聲初萬

歲樂藏鉤樂七夕相逢樂舞度同心髻玉女行觴神仙  
留客擲磚續命鬪雞子鬪百草汎龍舟還舊宮長樂花  
十二時等曲掩抑推藏哀音斷絕

隋書  
樂志

### 隋後主

隋後主越王侗楊叛兒歌曰青春正陽月結伴戲京華  
龍媒玉珂馬鳳軫繡香車水映臨橋柳風吹夾路花日  
昏歡宴罷相將歸狹斜越王嗣位史稱其眉目如畫溫  
厚仁愛風格儼然後為王充所弑臨命禮佛曰願自今

以往不復生帝王家噫亦可憐矣觀其辭藻如此若不

生帝王家豈不為文人學士邪

隋越王諡恭帝李淵立代王侑亦諡恭帝二主

同諡蓋東西不相聞也詩話補遺今按此詩樂府以為陳后主作而升菴乃以為隋后主詩必別有據也

### 盧思道

北齊文宣帝崩當朝文士各作挽歌十首擇其善者而用之魏收陽休之祖孝徵等不過得一二首唯思道獨

有八篇故時人稱為八米盧郎

北史本傳西漢叢語曰八米關中語歲以六

米七米八米分工中下言在穀取八米取數之多也

思道為司徒錄事參軍以事免歸家嘗於薊北悵然感慨為五言詩見意世以為工

同上

盧思道為五言詩見意世以為工明皇自蜀回登勤政樓歌曰庭前琪樹已堪攀塞北征人竟未還此思道歌

詞也

歷代吟譜

### 李德林

李德林幼聰敏年數歲誦左思蜀都賦十餘日便度高隆之見而嘆嗟遍告朝士云若假其年必為天下偉器



鄴京人士多就宅觀之月餘日中馬不絕年十五誦五經及古今文集數千言俄而該博墳典陰陽緯候無不通涉善屬文辭覈而理暢

隋書

楊素

楊素嘗以五言詩七百字贈播州刺史薛道衡詞氣穎拔風韻秀上為一時盛作未幾而卒道衡曰人之將死

其言也善若是乎

北史

楊素作柳弘誄云山陽王弼風流長逝潁川荀爽零落

無時修竹夾池永絕梁園之賦長楊映沼無復洛川之  
文又嘗以五言詩七百字贈播州刺史薛道衡詞氣穎  
拔風韻秀上為一時盛作素本以武功顯而文藻若此

升菴  
詩話

### 薛道衡

陳使傅綽聘齊道衡接對綽贈詩五十韻道衡和之南

北稱美

隋書  
本傳

煬帝嗣位道衡上文皇帝頌煬帝覽之不悅尋以議新

令見殺天下冤之道衡每至構文必隱坐空齋跼壁而

卧聞戶外有人便怒其沈思如此

同上

隋煬帝善屬文不欲人出其右薛道衡由是得罪後因

事誅之曰更能作空梁落燕泥否

小說舊聞

薛道衡聘陳作人日詩曰入春纔七日離家已二年南

人嗤之曰是底言語誰謂此虜解作詩及云人歸落鴈

後思發在花前乃喜曰名下固無虛士

小說舊聞

劉氏傳記載煬帝既誅薛道衡乃云尚能道空梁落燕泥否蓋道衡詩嘗有是句楊公談苑載僧希畫北

宮書亭云花露盈蟲穴梁塵隨燕泥予以  
謂鍊句雖工而致思不逮於薛矣 塵史

### 王胄

煬帝自東都還京師賜天下大酺四日為五言詩詔羣  
官詩成者奏之帝覽王胄詩而善之謂侍臣曰氣高致  
遠歸之於胄詞清體潤其在世基意密理新惟庾自直  
過此者未可以言詩也帝所有篇什多令繼和與虞綽  
齊名同志友善於時後進之士咸以二人為準的

隋書  
本傳

煬帝嘗為燕歌行文士皆和之著作郎王胄獨不下帝

帝每銜之終坐此見害而誦其警句曰庭草無人隨意

綠復能作此耶

歷代  
吟譜

王胄以庭草一句為隋煬所忌初學記載胄雨晴詩風

度蟬聲遠雲開鴈路長亦佳句也

因學  
紀聞

崔信明

崔信明嘗自矜其文謂過李百藥鄭世翼遇之江中謂  
信明曰嘗聞有楓落吳江冷願見其餘信明欣然多出  
衆篇世翼覽未終篇曰所見不逮所聞投諸水引舟逕

去

何氏  
語林

虞世南

世南性沈靜寡欲文章婉縝慕徐陵陳滅與兄世基同  
入隋世基辭章清勁過世南而瞻博不及時人以方二  
陸大業中累至秘書郎煬帝雅愛其才然疾峭正十年

不徙

本  
傳

虞世南之作如高山樛具蒼珮華纓廊廟之容也李百

藥陳叔達楊師道實可與分庭抗禮者焉

竹林  
詩古

欽定四庫全書

古詩紀  
卷一百五十一

十五

寒閨織素錦含怨歛雙蛾  
綜新交縷澁經脆斷絲多  
衣香逐舉袖釧動應鳴梭  
還恐裁縫罷無信往交河  
此虞世南織錦曲也分明是一幅織錦圖綜音縱經音逕非深知織作者不知此二句之妙

詩話補遺

孔紹安

紹安大業末為監察御史高祖為隋討賊河東紹安監其軍深見接遇高祖受禪紹安自洛陽間行來奔高祖大悅拜內史舍人時夏侯端亦嘗為御史來歸先紹安

授秘書監因侍宴詠石榴有祇為時來晚開花不見春

之句

唐詩紀事

孫士潜

士潜字石龍六歲上書七歲屬文金樓子自敘曰余六歲解為詩奉敕為詩曰池萍生已合林花發稍周風入花枝動日照水光浮因而稍學為文也

幼童傳

明克讓

字宏道善談論朱异令賦竹曰非君多愛賞誰貴此真



心歷代吟譜

常德志

為五言詩辭理悲壯為時人所重

同上

辭品

附

團扇歌

晉中書令王珉好捉白扇其侍人謝芳姿歌之因以為  
名一說珉與嫂婢通情好甚篤嫂鞭撻過苦婢素善歌  
而珉好持白團扇嫂令芳姿歌一曲當赦之芳姿歌曰

白團扇辛苦五流離是郎眼所見  
珉曰奈何遺却芳姿  
應聲又歌曰團扇復團扇許持自遮面  
憔悴無復理羞  
與郎相見  
樂府集○按團扇歌其事本如此郭茂倩樂府所載擯車薄不乘四首乃晉宋古辭失其名氏楊升菴以為芳姿本辭誤也

### 宋武帝丁都護歌

宋武帝丁都護歌云都護北征時  
儂亦惡聞許願作石  
尤風四面斷行旅又云都護北征去  
相送落星墟帆檣  
如芒捰都護今何渠  
唐用人用丁都護及石尤風事皆本

此二辭絕妙宋武帝征伐武畧一代英雄而復風致如此其殆全才乎

楊升菴詞品下並同

### 梁武帝江南弄

梁武帝江南弄云衆花襍色滿上林舒芳耀彩垂輕陰  
連手蹈蹀舞春心舞春心臨歲腴中人望獨踟蹰此辭  
絕妙填辭起於唐人而六朝已濫觴矣其餘若美人聯  
錦江南稚女諸篇皆是樂府具載不盡錄也

### 梁簡文春情曲

梁簡文帝春情曲云蝶黃花紫燕相追楊低柳合路塵  
飛已見垂鈎掛綠樹誠知淇水霑羅衣兩童夾車問不  
已五馬城南猶未歸鶯啼春欲駛無為空掩扉此詩似  
七言律而末句又用五言王無功亦有此體又唐律之  
祖而唐辭瑞鷓鴣格韻似之

長安城中秋夜長佳人錦石擣流黃香杵紋砧知近  
遠傳聲遞響何淒涼七夕長河爛中秋明月光蠟螭  
塞邊絕候鴈駕鵞樓上望天狼

右後魏溫子昇擣衣  
第五六句又作五言

文牕玳瑁影嬋娟香帷翡翠出神仙促柱點唇鶯欲  
語調弦繫爪鴈相連秦聲本自楊家解吳歎那知謝  
傅憐祇愁芳夜促蘭膏無那煎

右陳後主聽箏  
後二句五言

舊知山裏絕氛埃登高日暮心悠哉子平一去何時  
返仲叔長遊遂不來幽蘭獨夜清琴曲桂樹凌雲濁

酒杯槁項同枯木丹心等死灰

右隋王無功北山後  
二句五言 右四首

並詩話補遺所載六朝  
七言律體附錄於此

陶弘景寒夜怨

陶弘景寒夜怨云夜雲生夜鴻驚悽切嘹唳傷夜情後  
世填辭梅花引格韻似之後換頭微異

沈約六憶辭

沈約六憶辭其一云憶來時灼灼上堦墀勤勤敘離別  
慊慊道相思相看常不足相見乃忘饑其二云憶坐時  
黯黯羅帳前或歌四五曲或弄兩三弦笑時應莫比嗔  
時更可憐其三云憶眠時人眠強未眠解羅不待勸就  
枕更須牽復恐傷人見嬌羞在燭前逸其三首

徐勉迎客送客曲

古者宴客有迎客送客曲亦猶祭祀有迎神送神也梁  
徐勉迎客曲云絲管列舞曲陳含聲未奏待嘉賓羅絲  
管陳舞席歛袖嘿唇迎上客送客曲云袖繽紛聲委咽  
餘曲未終高駕別爵無算景已流空紆長袖客不留徐  
勉在梁為賢臣其為吏部日宴客酒酣有求詹事者勉  
曰今宵且可談風月其嚴正而又蘊藉如此江左風流  
宰相豈獨謝安王儉邪

王筠楚妃吟

王筠楚妃吟句法極異其辭云窓中曙

句

花早飛

句

林

中明

句

鳥早歸

句

庭中日

句

暖春閨

句

香氣亦霏霏

句

香氣漂

句

當軒清唱調

句

獨顧慕

句

含怨復含嬌

句

蝶

飛蘭復熏

句

裊裊輕風入翠裾

句

春可遊

句

歌聲梁上

浮

句

春遊方有樂

句

沈沈下羅幕

句

大率六朝人詩風華

情致若作長短句即是辭也宋人長短句雖盛而其下

者有曲詩曲論之弊終非辭之本色



僧法雲三洲歌

梁僧法雲三洲歌云三洲斷江口水從窈窕河傷流啼  
將別共來長相思又云三洲斷江口水從窈窕河傷流  
歡將樂共來長相思江左辭人多風致而僧亦如此不  
獨惠休之碧雲也

長相思

徐陵長相思云長相思好春節夢裏恒啼悲不洩帳中  
起窻前咽柳絮飛還聚遊絲斷復結欲見洛陽花如君

隴頭雪蕭淳和之云長相思久離別新燕參差條可結  
孤關遠鴈書絕對雲恒憶陣看花復愁雪猶有望歸心  
流黃未剪截二辭可謂勍敵

### 五更轉

陳伏知道從軍五更轉云一更刁斗鳴校尉連連城懸  
聞射鵰騎遙憚將軍名二更愁未央高城寒夜長試將  
弓學月聊持劍比霜三更夜警新橫吹獨吟春強聽梅  
花落誤憶柳園人四更星漢低落月與山齊依稀北風

裏胡茄雜馬嘶五更催送籌曉色映山頭城烏初起堞  
更人悄下樓其後隋煬帝效之作龍舟五更轉見文中  
子

陸瓊飲酒樂

陳陸瓊飲酒樂云蒲桃四時芳醇琉璃千鍾舊賓夜飲  
舞遲銷燭朝醒弦促催人春風秋月長好歡醉日月言  
新唐人之破陣樂何滿子皆祖之

王褒高句麗曲

王褒高句麗曲云蕭蕭易水生波燕趙佳人自多傾杯  
覆碗漼漼垂手奮袖婆娑不惜黃金散盡惟畏白日蹉  
跎與陳陸瓊飲酒樂同調蓋疆場限隔而聲調元通也  
王褒字文周時人字子深非漢王褒也是時亦有蘇子  
卿有梅花落一首方回遂以為漢之蘇武何不考之過  
乎

隋煬帝辭

隋煬帝夜飲朝眠曲云憶睡時待來剛不來卸粧仍索

伴解珮更相催博山思結夢沈水未成灰其二云憶起  
時投簫初報曉被惹香黛殘枕隱金釵裊笑動林中鳥  
除却司晨鳥二辭風致婉麗其餘如春江花月夜江都  
樂紀遠東並載樂府其金釵兩股垂龍舟五更轉名存  
而辭亡鐵圍山叢話云寒鴉飛數點流水遶孤村乃煬  
帝辭而全篇不傳又傳奇有煬帝望江南數首不類六  
朝人語傳疑可也

又玉女行觴神仙  
留客皆煬帝曲名


穆護砂

樂府有穆護砂隋朝曲也與水調河傳同時皆隋開汴  
河時辭人所製勞歌也其聲犯角其後至今訛砂為煞  
云予嘗有詩云桃根桃葉最大斜水調河傳穆護砂無  
限江南新樂府陳朝獨賞後庭花

回紇

回紇商調曲也其辭云陰山瀚海信難通幽閨少婦罷  
裁縫緬想邊庭征戰苦誰能對鏡冶愁容久戍人將老  
須臾變作白頭翁其辭纏綿含蓄有長歌之哀過于痛

哭之意惜不見作者名氏必陳隋初唐之作也又有石  
州辭云自從君去遠巡邊終日羅帷獨自眠看花情轉  
切攬涕淚如泉一自離君後啼多雙臉穿何時狂虜滅  
免得更留連併附于此



古詩紀卷一百五十一

欽定四庫全書

集部

古詩紀卷一百五十二

詳校官檢討臣德生

侍讀臣孫球覆勘

總校官知縣臣

楊懋珩

校對官中書臣

李

奎

謄錄監生臣

潘

坦



欽定四庫全書

古詩紀卷一百五十二

明 馮惟訥 撰

別集第八

品藻六

通論

元稹曰始堯舜之君臣以賡歌相和是後詩人繼作歷夏殷周千餘年仲尼緝拾選鍊取其干預教化之尤者三百篇其餘無聞焉騷人作而怨憤之態繁然猶去風

雅日近尚相比擬秦漢已還採詩之官既廢天下俗謠  
民謳歌頌諷賦曲度嬉戲之詞亦隨時間作至漢武帝  
賦柏梁詩而七言之體興蘇子卿李少卿之徒尤工為  
五言雖句讀文律各異雅鄭之音亦襍而詞意闊遠指  
事言情自非有為而為則文不妄作建安之後天下文  
士遭罹兵戰曹氏父子鞍馬間為文往往橫槊賦詩故  
其道文壯節抑揚怨哀悲離之作尤極於古晉世風概  
稍存齊宋之間教失根本士子以簡慢矯飾舒徐相尚

文章以風容色澤放曠精清為高蓋吟寫性靈流連光景之文也意義格力固無取焉陵遲至於梁陳淫艷刻飾佻巧小碎之詞劇又宋齊之所不取也

蕭穎士曰六經之後有屈原宋玉文甚雄壯而不能經賈誼文辭最正近於治體枚乘相如亦瓌麗才士然而不近風雅揚雄用意頗深班彪識理張衡宏曠曹植豐瞻王粲超逸嵇康標舉左思詩賦有雅頌遺風干寶著論近王化根源此後夔絕無聞焉近日惟陳子昂文體

最正蕭之所取如此可以知其所養矣

譚苑  
醍醐

李太白曰詩之興作兆基邃古唐歌虞詠始載典謨商  
頌周雅方陳金石然後研志緣情二京彌甚含毫瀝思  
魏晉彌繁李都尉鴛鴦之詞纏綿巧妙班婕妤霜雪之  
句發越清迴平子桂林理在文外伯喈翠鳥意盡行間  
河朔人物王劉為首稱洛陽才子潘左為先覺乃若子  
建之牢籠羣彥士衡之藉甚當時並文苑之羽儀詩人  
之龜鑑

教陶孫器之評詩曰魏武帝如幽燕老將氣韻沈雄曹子建如三河少年風流自賞鮑明遠如饑鷹獨出奇矯無前謝康樂如東海揚帆風日流麗陶彭澤如絳雲在霄舒卷自如

玉箱襍記曰曹子建號繡虎王仲宣泥下潛蛙鄧艾伏鸞陸雲隱鵠皆喻其文也

見陸文裕公外集

呂氏童蒙訓曰讀古詩十九首及曹子建諸詩如明月入高樓流光正徘徊之類詩皆思深遠而有餘意言有

盡而意無窮也學者當以此等詩常自涵養自然下筆

高妙

又曰大槩學詩須以三百篇辭及漢魏間人詩為主方

見古人妙處自無齊梁間綺靡氣味也

許彥周曰季父仲山在揚州時

事東坡先生聞其教人作詩曰熟讀毛詩國風與離騷曲折盡在是矣僕嘗以為此語太高後年齒益長廼知東坡先生之善誘人也

莊荀皆文士而有學者其說劍成相賦篇與屈騷何異揚子雲之文好奇而卒不能奇也故思苦而詞艱善為

文者因事以出奇江河之行順下而已至其觸山赴谷  
風搏物激然後盡天下之變子雲惟好奇故不能奇也

后山  
詩話

魏文帝曰文以意為主以氣為輔以詞為衛子桓不足  
以及此其能有所傳乎

子厚謂屈氏楚詞如離騷乃效頌其次效雅最後效風  
並同上

漢高帝大風歌不特華藻而氣槩遠大真英主也至武

帝秋風辭言固雄偉而終有感慨之語故其末年幾至  
於變魏武魏文父子橫槊賦詩雖道壯抑揚而乏帝王  
之度六朝以後人主言非不工而纖麗不逞無足言也

庚溪  
詩話

選中曹子建詩怨惻慷慨頗有風人遺意陶靖節雖時  
作對句然不累正氣江文通雜體可謂逼真鮑明遠橫  
逸不可當謝靈運詩入選極多然已有全篇作對子者  
如白雲抱幽石綠篠媚清漣初篁苞綠穠新蒲含紫茸



林壑歛暝色雲霞收夕霏等語尖新峭麗已駸駸有梁

陳之良氣矣

失名

建安詩辯而不華質而不俚風調高雅格力適壯其言直致而少對偶指事情而綺麗得風雅騷人之氣骨為近古者也一變而為晉宋再變而為齊梁唐諸詩人高者學陶謝下者學徐庾惟老杜李太白韓退之早年皆學建安晚乃各自變成一家耳

詩眼

古今詩人以詩名世者或只一句或只一聯或只一篇

雖其餘別有好詩不專在此然播傳後世膾炙於人口者終不出此夫豈在多哉如池塘生春草則謝康樂也澄江淨如練則謝宣城也攏首秋雲飛則柳吳興也風定花猶落則謝元正也鳥鳴山更幽則王文海也空梁落燕泥則薛道衡也楓落吳江冷則崔信明也庭草無人隨意綠則王胄也凡此皆以一句名世者

茗溪漁隱叢話

謝朝華之已披起夕秀於未振學詩者尤當領此陳腐之語固不必涉筆然求去其陳腐不可得而翻為奇怪

不可致詰之語以欺人不獨欺人而且自欺誠學者之大病也詩人首二謝靈運在永嘉因夢惠連遂有池塘生春草之句玄暉在宣城因登三山遂有澄江淨如練之句二公妙處蓋在於鼻無壅目無膜爾鼻無壅斤將曷運目無膜篋將曷施所謂混然天成天球不琢者歟靈運詩如矜名道不足適已物可忘清暉能娛人遊子澹忘歸玄暉詩如春草秋更綠公子未西歸大江流日夜客心悲未央等語皆得三百五篇之餘韻是以古今

以為奇作又曷嘗以難解為工哉

韻語  
陽秋

仲長統曰垂露成幃張霄成幄沉瀝當餐九陽代燭蓋  
取無情之物作有情用也自後竊取其意者甚多張志  
和則云太虛為室明月為燭王康琚則云華條當圍屋  
翠葉代綺牕吳均則云綠竹可充食女蘿可代裙劉伶  
則云日月為扁牖八荒為庭衢皆是意也李義山無題  
詩云春蠶到死絲方歇蠟炬成灰淚始乾此又是一格  
今效此體為俚語小詞傳於世者甚多不足道也

同上

古今論詩多矣吾獨愛湯惠休稱謝靈運為初日芙蓉  
沈約稱王筠為彈丸脫手兩語最當人意初日芙蓉非  
人力所能為精彩華妙之意自然見於造化之外靈運  
諸詩可以當此者亦無幾彈丸脫手雖是輸寫便利動  
無留礙然其精圓快速發之在手筠亦未能盡也然作  
詩審到此地豈復更有餘事韓退之贈張籍云君詩多  
態度藹藹春空雲司空圖記載叔倫語云詩人之詞如  
藍田日暖玉生煙亦是形似之微妙者但學者不能味

其言耳

石林詩話

黃初之後惟阮籍詠懷之作極為高古有建安風骨晉人舍陶淵明阮嗣宗外惟左太冲高出一時陸士衡獨

在諸公之下

滄浪詩評

漢魏古詩氣象混沌難以句摘晉以還方有佳句如淵明採菊東籬下悠然見南山謝靈運池塘生春草之類謝所以不及陶者康樂之詩精工淵明之詩質而自然耳

建安之作全在氣象不可尋枝摘葉靈運之詩已是徹首尾成對句矣是以不及建安也

顏不如鮑鮑不如謝文中子獨取顏非也

擬古惟江文通最優擬淵明似淵明擬康樂似康樂擬左思似左思擬郭璞似郭璞獨擬李都尉一首不似西漢耳

雖謝康樂擬鄴中諸子之詩亦氣象不類至於劉玄休擬行行重行行等篇鮑明遠代君子有所思之作仍是

其自體耳

並同上

韋仲班傳輦四言詩僭縛不蕩曹公短歌行子建求日  
大難工堪為則矣白狼槃木詩三章亦佳緣不受雅頌

困爾

談藝錄

七言沿起咸曰栢梁然甯戚扣牛已肇南山之篇矣其  
為則也聲長字縱易以成文故蘊氣琤辭與五言畧異  
要而論之滄浪擅其奇栢梁弘其實四愁墜其雋燕歌  
開其靡他或雜見於樂篇或援格於賦系妍醜之間可



以類推矣

詩貴先合度而後工拙縱橫格軌各具風雅繁欽定情  
本之鄭衛生年不滿百出自唐風王粲從軍得之二雅  
張衡同聲亦合關雎諸詩固自有工醜然而並驅者託  
之軌度也

夫詞士輕偷詩人忠厚不訪漢魏古意猶存故蘇子之  
戒愛景光少卿之厲崇明德規善之辭也魏武之悲東  
山王粲之感鳴鶴子恤之辭也甄后致頌於延年劉妻

取譬於唾井繾綣之辭也子建言恩何必衾枕文君怨  
嫁願得白頭勸諷之辭也究其微旨何殊經術作者蹈  
古轍之嘉粹刊佻靡之非經豈直精詩亦可以養德也  
鹿鳴類升之宴好黍離有推之哀傷氓蚩晨風之悔歎  
蟋蟀山樞之感慨栢舟終風之憤懣杜葛藟之憫恤  
葛屨祈父之譏訕黃鳥二子之痛悼小弁何人斯之怨  
誹小宛雞鳴之戒惕大東何草不黃之困疵巷伯鷦鷯  
之惡惡綢繆車牽之勸慶木瓜采葛之情念雄雉伯兮

之思懷北山陟岵之行役伐檀七月之勤敏常棣蓼莪之大義皆曲盡情思婉孌氣詞哲匠縱橫畢由斯闕也

並同上

劉後村曰四言自曹氏父子王仲宣陸士衡後惟陶公最高停雲榮木等篇殆突過建安矣又曰四言尤難以三百五篇在前也

劉彥和曰四言正體雅潤為本五言流調清麗居宗鍾嶸云四言文約意廣取效風雅便可多得每苦文繁而

意少故世罕習焉劉潛夫云四言尤難三百篇在前故也葉水心云五言而上世人往往極其才之所至而四言詩雖文辭巨伯輒不能工合數公之說論之所謂易者易成也所謂難者難工也方元善取韋孟諷諫云誰謂華高企其齊而誰謂德難厲其庶而以為使經聖筆亦不能刪過矣此不過步驟河廣一章耳予獨愛公孫乘月賦月出皎兮君子之光君有禮樂我有衣裳張平子西京賦豈伊不虔思于天衢豈伊不懷歸于粉榆天

命不惱疇敢以渝隸釋戴漢碑唐扶頌如山如岳嵩如  
不傾如江如河澹如不盈其句法意味真可繼三百篇  
矣或曰唐夫人房中樂歌何如曰是直可以繼關雎不  
當以章句摘也曰然則曹孟德月明星稀嵇叔夜目送  
歸鴻何如曰此直後世四言耳工則工矣比之三百篇

尚隔尋丈也

丹鉛  
餘錄

江淹別賦春草碧色春水綠波送君南浦傷如之何取  
詩目前不彫琢而自工可謂天然之句他如梁元帝秋

水文波秋雲似羅唐羅昭諫蟋蟀賦美人在河夜影流  
波與子佇立徘徊思多抑其次也近世知學六朝初唐

而以餽飭生滋為工漸流於不通又安知此轍邪

丹鉛  
四錄

王伯厚云嘉量之銘祭侯之辭皆極文章之妙而梓人  
筭簴之制文法奇古蓋精於道者兼物物而後能制器

莊子所謂梓慶削木為鑊鑊成見者驚猶鬼神以天合

天道與藝俱化豈物物而雕之哉

丹鉛  
餘錄

老子明道若昧夷道若類進道若退上德若谷太白若

辱廣德若不足建德若偷質直若渝大方無隅大器晚成大音希聲大象無形文皆用韻三句一易李斯泰山刻文其祖此乎

同上

老子知足不辱知止不殆足與辱拒韻止與殆拒韻蓋古音殆作以也韓非子名正物定名倚物徙亦以正拒定倚拒徙也淮南子蘇秦步曰何故趨曰何馳亦是韻語古文多用韻八字之內而四韻者僅見此三條耳

續錄

宋玉大言賦吐舌萬里唾四海緯書七變入句米出甲

佛偈一月普見一切水一切水月一月攝七言皆仄惟  
此梨花梅花參差開七言皆平文選有離桂飛髻垂纖

羅四錄

余嘗疑穆天子傳西王母歌詞出于後人粉飾且山海  
經載西王母虎齒鳥爪形既殊異音亦不同何其歌詞  
悉似國風乎又觀後漢書朱輔上白狼王唐敢歌三篇  
音韻與漢無異愈可疑也

閏錄

詩行道遲遲中心有違思致微婉紫玉歌所謂身遠心



邇洛神賦所謂足往神留皆祖其意

升菴詩話

古樂府蘭草自然香生於大道傍腰鎌八九月俱在束薪中孟郊詩昧者理芳草蒿蘭同一鋤實本古樂府意

同上

水經注所載事多他書傳未有者其敘山水奇勝文藻辨麗予嘗欲抄出為一帖以洗宋人卧遊錄之陋未暇也又其中載古歌謠如三峽歌云巴東三峽巫峽長猿啼三聲淚沾裳又云朝見黃牛暮見黃牛三朝三暮黃

牛如故又云灘頭白勃堅相持倏忽淪沒別無期記棘  
道謠云檣溪赤木盤蛇七曲盤羊烏隴勢與天通皆可

以入詩材

丹鉛  
餘錄

落星依遠戍斜月半平林梁元帝句也故鄉一水隔風  
烟兩岸通陳后主句也唐人高處始能及之見五代新

說

同上

庾開府詩羊腸連九坂熊耳對雙峯鮑照詩二嶠虎口  
九折羊腸可謂工矣比之杜工部高鳳聚螢驥子鶯歌

之句則杜覺偏枯矣

升菴詩話

玉墀滴清露羅幌已依霜逢春每先絕爭秋欲幾芳  
伯文楚妃引也風閨晚翻霽月殿夜疑明願君早流盼  
無令春草生徐孝嗣白雪曲也淚滴珠難盡容殘玉易  
消倘隨明月去莫道夢魂遙張文收酺樂也羅敷初總  
髻蕙芳正嬌小月落始歸船春眠恒著曉又別前花照  
路別後露垂葉歌舞湏及時如何坐悲妾李愬怨詩也  
數詩少時愛而誦之然諸選皆不收何見也

五言律詩起句最難六朝人稱謝朓工於發端如大江  
流日夜客心悲未央雄壓千古矣唐人多以對偶起雖  
森嚴而乏高古宋周伯弱選唐三體詩取起句之工者  
二酒渴愛江清餘酣漱晚汀又江天清更愁風柳入江  
樓是也語誠工而氣哀颯余愛柳惲汀洲采白蘋日落  
江南春吳均咸陽春草芳秦帝捲衣裳又春從何處來  
拂水復驚梅梁元帝山高巫峽長垂柳復垂楊唐蘇頲  
北風吹早鴈日日渡河飛張柬之淮南有小山羸女隱

其間王維風勁角弓鳴將軍獵渭城杜子美將軍膽氣  
雄臂懸兩角弓孟浩然八月湖水平涵虛混太清雖律  
也而含古意皆起句之妙可以為法

古樂府暫出白門前楊柳可藏烏歡作沈水香儂作博  
山鑪李白用其意行為楊叛兒歌曰君歌楊叛兒妾勸  
新豐酒何許最關人烏啼白門柳烏啼隱楊花君醉留  
妾家博山鑪中沈香火雙煙一氣凌紫霞古樂府朝見  
黃牛暮見黃牛三朝三暮黃牛如故李白則云三朝見

黃牛三暮行太遲三朝又三暮不覺髻成絲古樂府云  
郎今欲渡畏風波李白云郎今欲渡緣何事如此風波  
不可行古樂府云春風復多情吹我羅裳開李反其意  
云春風復無情吹我夢魂散古人謂李詩出自樂府古  
選信矣其楊叛兒一篇即暫出白門前之鄭箋也因其  
拈用而古樂府之意益顯其妙益見如李光弼將子儀  
軍旗幟益精明又如神僧拈佛祖語信口無非妙道豈  
若後世生吞義山拆洗杜詩者比乎

丹鉛餘錄 又閨  
錄曰古樂府 楊叛

兒曲云暫出白門前楊柳可藏烏歡作沈水香儂作博  
山鑪李太白擬之其詞曰君歌楊叛兒妾勸新豐酒何  
許最關人烏啼白門柳烏啼隱楊花君醉留妾家博山  
鑪中沈香火雙煙一氣凌紫霞樂府二十字太白衍之  
為四十四字而樂府之妙思益顯隱秀益彰其筆力似  
烏獲扛龍文之鼎其精明似光弼領子儀之軍矣書曰  
葛伯仇餉非孟子解之後人幾不知仇餉為何語沈水  
博山之句非太白以雙煙一氣解之樂府之妙亦隱矣  
因識古之詩人用前人語有翻案者有代財法有奪胎  
法有換骨法翻案者反其意而用之東坡特妙此法代  
財者因其語而新之益加瑩澤奪胎換骨則宋人詩話  
詳之矣如梁元帝詩郎今欲渡畏風波太白衍為兩句  
云郎今欲渡緣何事如此風波不可行鮑照詩春風復  
多情而太白反之曰春風復無情是也又如曹孟德詩  
云對酒當歌而杜子美云玉環仍當歌非杜子美一聞  
明之讀者皆云當歌為當然之當矣江總詩不悟倡園

欽定四庫全書

古詩  
卷一百五十二

花遙同葱嶺雪而張說云欲持梅嶺花遠競榆關雪古樂府云新人工織縑舊人工織素持縑來比素新人不如故而無名氏效之云野雞毛羽好不如家雞能報曉新人雖如花不如舊人能績麻此皆所謂披朝華而啓夕秀有雙美而無兩傷者乎

古有三句之詩意足詞贍盤屈於二十一字之中最難工徧檢前賢詩不過四五首而已岑之敬當壚曲云明月二八照花新當壚十五晚留賓回眸百萬橫自陳最為絕倡唐傳奇無名氏春詞云楊柳裊裊隨風急西樓美人春夢中繡簾斜卷千條入宋謝臯羽寄鄧悠云杜



鵑花開桑葉齊戴勝芋生藥草肥九鎖山人歸未歸詩話

補遺

摯虞論詩賦四過假象過大則與類相遠命辭過壯則與事相違辨言過理則與義相失麗靡過美則與情相

悖同  
上

劉履作選詩補注效朱子註三百篇其意良勤矣然曲說強解殊非作者之意如郭璞遊仙詩傳會於君臣治道此何理耶且所見寡陋如儲光羲詩格澤為君駕格

澤星名大人賦建格澤之長竿是也履乃云獅子名曰  
白澤白與格相近白澤即格澤也臆說若此何以注為  
又有唐宋詩續選唐詩選本盡善宋詩尤駁

丹鉛  
餘錄

兩漢氣純魏氣平晉氣激六朝氣靡

詩家  
直說

詩以漢魏並言魏不逮漢也建安之作率多平仄穩帖  
此聲律之漸而後流於六朝千變萬化至盛唐極矣

六朝以來留連光景之弊蓋自三百篇比興中來然抽  
黃對白自為一體

詩有可解不可解不必解若水月鏡花勿泥其迹可也  
越裳操止三句不言白雉而意自見所謂大樂必易是  
也及班固白雉詩加之形容古體變矣漢武內傳上元  
夫人彈雲林之瑟歌步玄之曲曰綠景清飈起雲蓋映  
朱葩蘭房闕琳闕碧室啓瓊沙此歌華麗無味必六朝  
儻作西王母白雲謠曰白雲在天丘陵自出道路悠遠  
山川間之將子無死尚能復來辭簡意盡高古莫及  
韋孟諷諫詩乃四言長篇之祖忠鯁有餘溫厚不足太

白雪讒詩百憂章去韋孟遠矣崔道融述唐事實六十  
九篇志於高古而力不逮

作詩繁簡各有其宜譬諸衆星麗天孤霞捧日無不可  
觀若孔雀東南飛南山有鳥是也

古采蓮曲隴頭流水歌皆不協聲韻而有清廟遺意  
詩曰觀閔既多受侮不少此無意於對也十九首云胡  
馬嘶北風越鳥巢南枝屬對雖切亦自古老六朝惟淵  
明得之若荒草何茫茫白楊亦蕭蕭是也

陳琳曰騁哉日月遠年命將西傾陸機曰容華夙夜零  
體澤坐自捐茲物苟難停吾壽安得延謝靈運曰夕慮  
曉月流朝忌曛日馳李長吉曰天東有若木下置銜燭  
龍吾將斬龍足爵龍肉使之朝不得回夜不得伏自然  
老者不死少者不哭此皆氣短無名氏曰人生不滿百  
常懷千歲憂晝短苦夜長何不秉燭遊感慨而氣悠長  
也

魏武帝善哉行七解魏文帝煌煌京洛行五解全用古

人事實不可泥於詩法論之

古辭紫騮馬歌曰燒火燒野田野鴨飛上天折柳行曰  
默默施行違厥罰隨事來魏武帝陌上桑曰駕虹霓乘  
赤雲登彼九疑歷玉門嵇康秋胡行曰思與王喬乘雲  
遊八極古人命題措辭如此歐陽公曰小雅雨無正之  
名據序所言與詩絕異當闕其所疑

詩有不立意造句以興為主漫然成篇此詩之化也兼  
葭詩亦有聲律出乎無意六朝聲律之盛出乎有意陸

機文賦曰詩緣情而綺靡賦體物而瀏亮夫綺靡重齊  
梁之弊瀏亮非兩漢之體詩賦由是不古矣徐昌穀曰  
詩緣情而綺靡則陸生之所知魏詩之查穢耳

魏文帝曰梧桐攀鳳翼雲雨散洪池曹子建曰遊魚潛  
綠水翔鳥薄天飛阮籍曰存亡有變化日月有浮沈張  
華曰洪鈞陶萬類大塊稟羣生左思曰皓天舒白日靈  
景耀神州張協曰金風扇素節丹霞啓陰期潘岳曰南  
陸迎脩景朱明送杳垂陸機曰逝矣經天日悲哉帶地

川以上雖為律句全篇高古及靈運古律相半至謝朓全為律矣

子建已有響字朱華冒綠池時雨靜飛塵冒靜二字是矣

捫風新語曰詩有格有韻淵明悠然見南山之句格高也康樂池塘生春草之句韻勝也格高似梅花韻勝似海棠欲韻勝者易欲格高者難兼此二者孟浩然得之矣



梁元帝春日詩用二十三春字鮑泉奉和亦用二十九  
新字不及淵明止酒詩用二十止字畧無虛設字字有  
味

松石軒詩評全是詩料且深於詩可以啓發初學鍾嶸  
詩品專論源流若陶潛出於應璩應璩出於魏文魏文  
出於李陵李陵出於屈原何其一脉不同邪

並詩家  
直說

予讀松石軒詩評喜其取譬雅麗綴語綺雋然於諸作  
者韻調趣致淺深高下益未之有辨焉而漢魏以來諸

名家又多遺漏是尤可議也近時安頤山亦病之以謂

識詩之難信夫

蘭莊詩話

高似孫選詩句圖所取漢晉以來佳句誠學古者所當  
玩也如范曄蘭池清夏氣脩帳含秋陰顏延年庭昏見  
野陰山明望松雪謝靈運池塘生春草園柳變鳴禽鮑  
照歸華先委路別葉早辭風沈約茅棟嘯愁鴟平岡走  
寒兔謝朓紅藥當堦翻蒼苔依砌上日隱澗凝空雲聚  
岫如複日出衆鳥散山暝孤猿吟江淹洞林帶晨霞石

壁耿新晰處欣故無累養德乃入神如此等語雖學近

體者亦當玩

同上

漢魏古詩固不可一字一句論工拙然亦有偶自得意  
屢施篇章者陳思王箴篴引用驚風飄白日至贈徐幹  
首復用之如作詞之務頭不厭其重也王仲宣風颺揚  
塵起白日忽已冥張茂先悲風中夜興朱火青無光子  
美回風吹獨樹白日照執袂孫楚晨風飄岐路王讚朔  
風動秋草張協朝霞迎白日陸機淒風迤時序等句得

自陳思詩來而陳思乃得之楚辭悲回風也

過庭詩話

杜甫憶李白詩云俊逸鮑參軍亦有譏焉鮑照白紵辭

一篇白用之杜又云李侯有佳句往往似陰鏗如柳色

黃金嫩梨花白雪香乃陰鏗詩也

揮麈錄曰柳色黃金嫩梨花白雪香陰鏗

詩也李太白取用之杜子美太白詩云李侯有佳句往往似陰鏗後人以謂以此譏之然子美詩有蛟龍得雲雨鵬鶚在秋天一聯已見晉書載記矣昔人不以鵲襲為非

古今詩人詠婦人者多以歌舞為稱梁元帝妓應令詩

云歌清隨澗響舞影向池生劉孝綽看妓詩云燕姬奏

妙舞鄭女愛清歌北齊蕭放冬夜對妓詩云歌還團扇  
後舞出妓行前弘執恭觀妓詩云合舞俱回雪分歌共  
落塵陳陰鏗侯司空宅詠妓詩云鶯啼歌扇後花落舞  
衫前陳劉刪亦云山邊歌落日池上舞前溪庾信趙王  
看妓詩綠珠歌扇薄飛燕舞衫長江總看妓詩云並歌  
時轉黛息舞暫分香隋盧思道夜聞鄰妓詩怨歌聲易  
斷妙舞態難雙陳元操春園聽妓詩云紅樹搖歌扇綠  
珠飄舞衣釋法宣觀妓詩云舞袖風前舉歌聲扇後驕

王勣詠妓詩云早時歌扇薄今日舞衫長劉希夷春日  
閨人詩云池月憐歌扇山雲愛舞衣以歌對舞者七以  
歌扇對舞衣者亦七雖相緣以起然詳味之自有工拙  
也杜子美取以為艷曲云清江歌扇底野曠舞衣前

錄謾

復齋

古詩紀卷一百五十二

欽定四庫全書

古詩紀卷一百五十三

明 馮惟訥 撰

別集第九

襍解

上

丹書

大戴禮武王踐祚三日召師尚父而問曰黃帝顓頊之道存乎意亦不可得而見與師尚父曰在丹書其言曰敬勝怠者吉怠勝敬者滅義勝欲者從欲勝義者凶注

不解丹書為何物按左傳襄公二十三年斐豹隸也著  
于丹書注犯罪沒為官奴以丹書其罪近世魏律緣坐  
沒配為工樂雜戶者皆用赤紙為籍其卷以鉛為軸此  
亦古人丹書之遺法據此則丹書古人之法律書名也  
蓋戒人之怠與欲而勉以敬義失敬義則入怠欲而隸  
於刑矣然以法律之書而陳敬義之訓先王以道治天  
下而不恃乎法其亦異乎鄭書晉鼎乎

丹鉛  
餘錄

蟪蛄蝸蟬



說苑載孔子曰違山十里螻蛄之聲猶尚存耳言政事之惡譁而喜肅也夫螻蛄之聲必在山林之地違山十里則朝市矣市有螻蛄之聲則朝有蜩蟬之沸政之譁也甚矣史記云魯之哀也洙泗之間蓋斷斷如也斷斷交爭之意即孔子之所謂譁也

丹鉛  
餘錄

### 化益

世本云化益作井宋衷曰化益伯益也荀子成相篇禹溥上平天下躬親為民行勞苦得益皋陶橫革直成為

輔呂氏春秋云得陶化益真成橫革之交五人佐禹化  
益即伯益真成即直成也

同上

韋孟詩

漢書韋賢傳載韋孟詩二篇及其孫玄成詩一篇皆深  
有三百篇風致但韋孟諷諫云肅肅我祖國自豕韋總  
齊羣邦以翼大商至於有周歷世會同王報聽諧寔絕  
我邦我邦既絕厥政斯逸賞罰之行非繇王室庶尹羣  
后靡扶靡衛五服崩離宗周以墜觀孟之自敘乃祖而

乖疎如是周至赧王僅存七邑救亡不暇豈能絕侯邦  
乎周之積微久矣非因豕韋一國然後五服崩離也左  
傳書范宣子之言曰勾之祖在商為豕韋氏在周為唐  
杜氏杜預曰豕韋國於東郡白馬縣殷末國於唐周成  
王滅之此最可證惜顏師古之不引用也

容齋  
四筆

### 拊缶歌

楊惲之報孫會宗書初無甚怨怒之語其詩曰田彼南  
山蕪穢不治種一項豆落而為萁張宴釋以為言朝廷

荒亂百官諂諛可謂穿鑿而廷尉當以大逆無道刑及妻子子熟味其詞獨有所謂君父至尊親送其終也有時而既蓋宣帝惡其君喪送終之喻耳莊助論汲黯輔少主守成武帝不怒實係於一時禍福云賈誼劉向論說痛切無忌諱文成二帝未嘗問焉

同上

七始

漢書律歷志引古文尚書予欲聞六律五聲八音七始詠以出納五言今文七始詠作在治忽史繩祖據漢郊

祀歌七始華始肅倡和聲而以今文在治忽近於傅會  
以予考之此言聲律音詠是一類事但漢書注不注七  
始之義今之切韻宮商角徵羽之外又有半商半徵蓋  
牙齒舌喉唇之外有深喉淺喉二音此即所謂七始詠  
詠即韻也汗簡隸古七始作夾始蓋古文七作𠂔𠂔與  
夾相近而誤尤可驗史氏之說為是由此言之切韻之  
法自舜世已然不起於西域胡僧又可知予特表出之

孟康云七始者天地四時人也  
此說乃意料之言 丹鉛閣錄

漢郊祀天馬歌

天馬徠歷無草草即阜字從草從早草子可染阜也後  
借為阜隸之阜歷解為槽檻之歷言其性安馴不煩控  
制也師古解為水草之草失之

丹鉛  
餘錄

象載瑜

漢郊祀歌象載瑜章云象載瑜白集西顏師古曰象載  
輿也山出象輿瑞應車也赤蛟章云象輿轆即此也而  
景星章云象載昭庭師古曰象謂縣象也縣象祕事昭

顯於庭也二字同出一處而自為兩說按樂章詞意正指瑞應車言昭列於庭下耳三劉漢釋之說亦得之而謂白集西為西雍之麟此則不然蓋歌詩凡十九章皆書其名於後象載瑜前一行云行幸雍獲白麟作自為前篇朝隴首覽西垠之章不應又於下篇贅出之也

容齋

三  
筆

### 鼓吹騎吹雲吹

樂府有鼓吹曲其昉於黃帝記里鼓之制乎後世有鼓

吹騎吹雲吹之名建初錄云列於殿廷者名鼓吹列於  
行駕者名騎吹又曰鼓吹陸則樓車水則樓船其在庭  
則以簨簴為樓也水行則謂之雲吹朱鷺臨高臺諸篇  
則鼓吹曲也務成黃雀則騎吹曲也水調河傳則雲吹  
曲也宋之問詩稍看朱鷺轉尚識紫騮驕此言鼓吹也  
謝朓詩鳴笳翼高蓋疊鼓送華輶此言騎吹也梁簡文  
詩廣水浮雲吹江風引夜衣此言雲吹也

詞品

朱鷺



古樂府有朱鷺曲解云因飾鼓以鷺而名曲焉又云朱鷺呪鼓飛於雲末徐陵詩有鳧鐘鷺鼓之句宋之問詩稍看朱鷺轉尚識紫騮驕皆用此事蓋鷺色本白漢初有朱鷺之瑞故以鷺形飾鼓又以朱鷺名鼓吹曲也梁元帝放生池碑云玄龜夜夢終見取於宋王朱鷺晨飛尚張羅於漢后與朱鷺飛雲末事相叶可以互證補樂

府解題之缺

丹鉛續錄

魚魚雅雅

古樂府朱鷺曲朱鷺魚以烏鷺何食食茄下烏古與雅  
同叶音作雅蓋古字烏也鴉也雅也本一字也雅與下  
相叶始得其音魚以雅者言朱鷺之威儀魚魚雅雅也  
韓文元和聖德詩魚魚雅雅之語本此

升菴詩話

茄即荷

玄中記黃帝之臣有荊茄豐左傳注楚有茄人城張揖

音荷古樂府鷺何食食茄下

丹鉛四錄

長相思

結不解

古詩文綵雙鴛鴦裁為合歡被著以長相思緣以結不解著昌慮切鄭玄儀禮注著充之以絮也緣以絹切鄭玄禮記注緣飾邊也長相思謂以綵縷絡綿交互網之使不斷長相思之義也結不解按說文結而可解曰紐結不解曰締謂以針縷交鎖連結混合其縫如古人結綢繆結同心製取結不解之義也既取其義以著愛而結好又美其名曰相思曰不解云合歡被宋趙德麟侯鯖錄有解會而觀之可見古人詠物托意之工矣

丹鉛餘錄

雙鯉魚

古詩有客從遠方來遺我雙鯉魚呼童烹鯉魚中有尺素書魚腹中安得有書古人以喻隱密也魚沈潛之物

故云

夷白齋詩話

古樂府詩尺素如殘雪結成雙鯉魚要知心裏事看取腹中書據此詩古人尺素結為鯉魚形即緘也非如今人用蠟文選客從遠方來遺我雙鯉魚即此事也下云烹魚得書亦譬況之言耳五臣及劉履謂古人多於魚

腹寄書引陳涉罩魚倡禍事証之何異痴人說夢邪

丹鉛

錄餘

### 大人丈人

康翊仁鮫人潛織詩三日丈人嫌樂府焦仲卿妻三日  
斷五匹丈人故嫌遲後漢范滂謂母為大人而史記索  
隱注韋昭云古者名男子為丈人尊父嫗為丈人故漢  
書宣元六王傳所云丈人謂淮陽憲王外王母即張博  
母也故古詩云三日斷五匹丈人故嫌遲也

吟憲  
雜錄

黃姑

古樂府云東飛伯勞西飛燕黃姑織女時相見予初不  
曉黃姑為何等語因讀杜公瞻所注宗懔撰荆楚歲時  
記乃知黃姑即河鼓也亦猶桑落之語轉呼為索郎也

潘子真  
詩話

都梁

迷迭

古詩云博山爐中百和香爵金蘇合及都梁又云氎氎  
五水香迷迭及都梁按廣誌都梁香出交廣形如藿香

迷迭出西域魏文帝有迷迭賦

王直方詩話

### 窮袴

古樂府曰綉幕圍春風耳節朱絲桐不知理何事淺立  
經營中護惜加窮袴隄防託守宮今日牛羊上丘隴當  
時近前面發紅前輩多全用其語老杜曰意匠慘淡經  
營中李長吉曰羅屏繡幕圍春風黃魯直曰今日牛羊

上丘隴當時近前左右瞋窮袴漢時語也今襠袴也

吟齋

夜話 許彥周曰齊梁間樂府詩護惜加窮袴隄防託  
守宮今日牛羊上丘隴當時近前面發紅老杜作麗人

欽定四庫全書

卷一百五十三

行賜名大國號與泰其卒曰慎勿近前丞相嗔號國泰  
國何預國忠事而近前即嗔邪東坡言老杜似司馬遷  
蓋深知之

猛燭猛炬

魏明帝樂府畫作不停手猛燭繼望舒晉庾闡藏蘭賦  
督猛炬以增明從因朗而心隔猛炬猛燭蓋大燭大炬  
也周禮所謂墳燭楚辭所云懸火也杜詩銅盤燒蠟光  
吐日其猛蠟乎

譚苑  
醍醐

西山有仙童



相州棲霞谷有喬順二子服飛龍藥二子十年不饑魏  
文帝詩曰西山有仙童不飲亦不食謂此

古今詩話

### 綵衣

陳思王靈芝篇曰伯瑜年七十綵衣以娛親今人但知

老萊子之事而不知伯瑜

困學紀聞

### 七哀

七哀詩起曹子建其次則王仲宣張孟陽也釋詩者謂  
病而哀義而哀感而哀悲而哀耳目聞見而哀口歎而

哀鼻酸而哀謂一事而七者具也子建之七哀哀在於獨  
棲之思婦仲宣之七哀哀在於棄子之婦人張孟陽之  
七哀哀在於已毀之園寢唐雍陶亦有七哀詩所謂君  
若無定雲妄作不動山雲行出山易山逐雲去難是皆  
以一哀而七者具也

韻語  
陽秋

探情以華

文選王仲宣詩探情以華觀著知微本於史記律書情  
核其華道者明矣之語華者貌也然史記之語觀仲宣

之詩而益明仲宣之詩得李善之解而始白觀書所以

貴乎博證也

升菴詩話

日昃曰映

梁元帝纂要云日在午曰亭在未曰映王仲宣詩山岡

有餘映謂日昃也

譚苑醍醐

幽憤詩

文士傳曰嘉平中汲縣民共入山中見一人所居懸巖  
百仞叢林鬱茂而神明甚察自云孫姓登名字公和康

聞乃從遊三年問其所圖終不答然神謀所存良妙康  
每煢然歎息將別謂曰先生竟無言乎登乃曰子識火  
乎生而有光而不用其光果然在於用光人生有才而  
不用其才果然在於用才故用光在乎得薪所以保其  
曜用才在乎識物所以全其年今子才多識寡難乎免  
於今之世矣子無多求康不能用及遭呂安事在獄為  
詩自責云昔慙下惠今愧孫登

嵇中散作幽憤詩知不免矣而卒章乃曰采微山阿散

髮巖岫永嘯長吟頤性養壽者悼此志之不遂也

東坡

### 贈秀才入軍

文選載嵇叔夜贈秀才入軍詩李善注謂兄喜秀才入軍而張銑謂叔夜弟不知其名考五詩或曰携我好仇或曰思我良朋或曰佳人不在皆非兄弟之稱善銑所

注恐未必然爾

韻語陽秋

晉嵇康贈弟秀才四言詩云感悟馳情思我所欽則以所欽為弟陸機贈從兄車騎詩云寤寐靡安遂願言思

所欽則以所欽為兄又贈馮文羅詩云慷慨誰為感願  
言懷所欽則以所欽為友

失名

### 鳳轄

傳記所傳漢宣帝以皂蓋車一乘賜大將軍霍光悉以  
金較具至夜車轄上金鳳皇輒亡去莫知所之至曉乃  
還如此非一守車人亦嘗見後南郡黃君仲止山羅鳥  
得鳳皇子入手即化成紫金毛羽冠翅宛然具足可長  
尺餘守車人列云今月十二日夜車轄上鳳皇俱飛去

曉則俱還今日不返恐為入所得光甚異之具以列上  
後數日君仲詣闕上金鳳皇子云今月十二日夜北山  
羅鳥所得帝聞而疑之以置承露盤上俄而飛去帝使  
尋之直入光家止車轡上乃知信然帝取其車每遊行  
輒乘御之至帝崩鳳皇飛去莫知所在嵇康詩云翩翩  
鳳轡逢此網羅正謂此也

嘉話錄

### 妖女

阮籍詩昔余遊大梁登于黃華巔應龍沈冀州妖女不

得眠按戰國策趙武靈西至河登黃華之上夢處女鼓琴歌詩因納吳廣女娃嬴孟姚其先七世而兆于簡子之夢及入宮而奪嫡亂國豈非妖女乎張平子應問曰女魃止而應龍翔合而觀之可見其微意蓋當是時魏明帝郭后毛后妬寵相殺正類武靈王事故隱語怪說亦春秋定哀多微辭意也顏延年曰阮公身事亂朝常恐遇禍因茲詠懷雖志在譏刺而文多隱避百代之下難以情測故粗明大意畧其幽旨也信哉

詩話補遺



趙李

阮籍詩西遊咸陽市趙李相經過顏延年注趙飛燕李夫人非也按漢書乃成帝時趙季李歆延年之博尚有

此誤

詩話補遺市趙李相經過

丹鉛餘錄曰阮籍詠懷詩西遊咸陽市趙李相經過顏延年以為趙飛燕李夫人劉會

孟謂安知非實有此人不必求其誰何也不詳詩意咸陽趙李謂游俠近倖之儔漢書谷永傳小臣趙李從微賤貴寵成帝常與微行者籍用趙李字正出此若如顏延年說趙飛燕李夫人豈可言經過如劉會孟言當時實有此人唐王維詩亦有日夜經過趙李家豈唐時亦實有此人乎乃知讀書不詳考深思雖如延年之博學會孟之精鑒亦不免失之況下此者耶

帶劍上吾丘

漢武故事曰漢武帝崩後忽見形謂陵令薛平曰我雖失勢猶為汝君奈何令吏卒上吾陵磨劍乎因不見推陵翁果有方石可以為礪吏卒常盜磨刀劍霍光欲斬之張安世曰神道茫昧不宜為法故阮公詠懷詩曰失勢在須臾帶劍上吾丘

丹鉛餘錄

吹臺

東京記天清寺繁臺梁孝王按歌吹之臺阮公詩云駕

言發魏都南向望吹臺簫管有餘音梁王安在哉後有  
繁氏居其側里人呼為繁臺

文昌  
雜錄

### 石龜

陸機詩石龜尚懷海我寧忘故鄉此蓋東北巖有大石  
龜俗云魯般所作夏則入海冬復止於西山上

### 南陔

束皙補  
亡詩

陔釋曰隴也羣經闕辨曰序謂孝子相戒以養陔當訓

戒鄉飲酒燕禮賓醉而出秦陔之言戒也以陔為節明

無失禮

困學紀聞

夷庚

左傳成十八年披其地以塞夷庚正義云平道也二字

出此李善注誤

三命

祭法注司命主督察三命孝經援神契曰命有三科有

受命以保慶有遭命以謫暴有隨命以督

闕

子注云

命有三名行善得善曰受命行善得惡曰遭命行惡得

惡曰隨命孫子荆詩云三命皆有極皆本援神契

並同上

### 董京詩

晉書隱逸傳董京字威輦至洛陽行吟常宿白社中時  
乞於市得殘碎繒絮結以自覆全帛佳繇則不肯受或  
見推排罵辱曾無怒色孫楚貽書勸仕京不從答以古  
詩其末句云萬物皆賤惟人為貴動以九州為狹靜以  
園堵為大予詳最後二句明知足常足鵬鷖逍遙之意

也

法藏碎  
金錄

被池

左太冲詩衣被皆重池池被之心如池也李太白詩亦有綠池障泥錦之句又裝潢家以卷縫罅處為玉池也

丹鉛  
餘錄

榮木

爾雅注榮木梧桐也橐鄂皆五陶詩冉冉榮木結根于茲是也或以為榮華失之同

明玕青瑤

士大夫學淵明作詩往往故為平澹之語而不知淵明  
制作之妙已在其中矣如讀山海經云亭亭明玕照落  
落青瑤流豈無雕琢之功蓋明玕為竹青瑤為水與所  
謂紅皺臙簷瓦黃圓繫門衡者異矣

竹坡  
詩話

### 子夜

李太白云子夜吳歌動君心李義山詩云鶯能子夜歌

云晉有子夜者善歌非時數也

許彥周  
詩話

### 石闕

古樂府云金銅作蓮花蓮子何其貴攤門不安橫無復  
相關意石闕生口中含悲不得語石闕古漢時碑名故

云  
夷白齋  
詩話

小姑無郎

古樂府清溪小姑曲云開門白水側近橋梁小姑所居  
獨處無郎唐李義山詩神女生涯元是夢小姑居處本  
無郎小姑蔣子文第三妹也楊炯少姨廟碑云虞帝二  
妃湘水之波瀾未歇蔣侯三妹青溪之軌迹可尋

升菴  
詩話



白紵舞

宋書樂志有白紵舞樂府解題譽白紵曰質如輕雲色  
如銀製以為袍餘作巾袍以光軀巾拂塵王建云新縫  
白紵舞衣成來遲邀得吳王迎元稹云西施自舞王自  
管白紵翩翩鶴翎散則白紵舞衣也王建云新換霓裳  
月色裙豈霓裳羽衣舞亦用白耶

韵語  
陽秋

三殤

李善注文選本末詳備極可善所謂五臣者真俚儒之

荒陋者也而世以為勝善亦謬矣謝瞻張子房詩云奇  
慝暴三殤此禮所謂上中下殤言暴秦無道戮及孥稚  
也而乃引苛政猛於虎吾父吾子吾夫皆死於是謂夫  
與父為殤此豈非俚儒之荒陋乎

東坡

池塘生春草

池塘生春草園柳變鳴禽靈運坐此詩得罪遂託以阿  
連夢中授此語有客以請舒王曰不知此詩何以得名  
於後世何以得罪於當時舒王曰權德輿已常評之公

苦未尋繹爾客退而求德輿集了無所得復以為問舒  
王誦其畧曰池塘者泉州瀦溉之地今日生春草是王  
澤竭也幽詩所紀一蟲鳴則一候變今日變鳴禽者候  
將變也客以告士大夫益服舒王之博

吟窓  
雜錄

### 瑤華

楚詞云折踈麻兮瑤華將以遺兮離居瑤華謂麻之華  
白也詩載木桃木李握椒芍藥之類皆相贈問之物所  
謂踈麻者所以贈問離居也謝靈運南樓遲客詩云瑤

華未堪折蘭茗已屢摘路阻莫贈問何以慰離析越嶺  
溪行云握蘭徒勤摘折麻心莫展駱賓王思家詩云旅  
行悲泛梗離恨斷踈麻錢起題輞川詩云折麻定延佇  
乘月期相尋皆用楚辭意用於離居至於起贈趙給事  
詩乃云不惜瑤華報木桃則是以瑤華為玉誤矣

韻語  
陽秋

雲錦

文選海賦云雲錦散文於沙汭之際故謝靈運詩有赤  
玉隱瑤溪雲錦被沙汭之句觀其語意正言沙石五色

如雲錦被於岸爾世見韓退之作曲江荷花行云撐舟  
昆明度雲錦遂謂退之以雲錦二字狀荷花其實非也  
謂之度雲錦言舟行於五色沙石之際豈謂荷花哉同上  
○此江文通擬作葛常之云謝靈運詩非也

### 送孔令詩

謝靈運送孔令詩李秋邊朔苦旅鴈違霜雪淒淒陽卉  
肥皎皎寒潭潔上二句見孔令避地之意三句喻時四  
句美孔賦而比也在宥天下理吹萬羣芳悅詩意微婉

喻宋公尤妙

琅玕漫抄

牽絲

謝靈運詩牽絲及元興解龜在景平李善注引應璩詩

不悟牽朱絲三署求相尋解云牽絲初仕也解龜去仕

也文苑英華康子元叅軍帖子判云萬里牽絲俄畢子

荆之任九流懸鏡行披彥輔之雲又似用為孫楚事

升菴

詩話

晚見朝日

謝靈運詩曉聞夕飈急晚見朝日暎此語殊有變互凡  
風起必以夕此云曉聞夕飈即杜子美之喬本易高風  
也晚見朝日倒景反照也孟郊詩南山塞天地日月石  
上生高峯夕駐景深谷夜先明皆自謝詩翻出

譚苑  
醍醐

### 陶嘉月

謝惠連云漾舟陶嘉月王褒九懷云陶嘉月兮總駕王

逸云及吉時也

西溪  
叢語

### 行樂

鮑昭行藥至城東橋詩五臣注云昭因疾服藥行而宣  
道之杜甫舟中伏枕詩云行藥病涔涔漢許皇后云我  
頭岑岑藥中得無有毒乎

同上

吹蠱

鮑照苦熱行含沙射流影吹蠱痛行暉南中畜蠱之家  
蠱昏夜飛出飲水光如曳彗所謂行暉也文選注行暉

行旅之暉非也

升菴詩話

宗袞



東坡詆五臣注文選以為荒陋予觀選中謝玄暉和王融詩云阽危賴宗袞微管寄明牧正謂謝安謝玄安石於玄暉為遠祖以其為相故曰宗袞而李周翰注曰宗袞謂王導導與融同宗言晉國臨危賴王導而破苻堅牧謂謝玄亦同破堅者夫以宗袞為王導固可笑然猶以和王融之故微為有說至以導為與謝玄同破苻堅乃是全不知有史策而狂妄注書所謂小兒強解事也

惟李善注得之

容齋  
隨筆

謝詩

謝朓詠王晉安詩南中榮橘柚寧知鴻鴈飛後人不解此句之妙晉安即閩泉州也南中榮橘柚即諺云樹蠻不落葉也寧知鴻鴈飛即諺云鴈飛不到處也樹不凋鴈不到本是瘴鄉乃以美言之此是隱句之妙

升菴詩話

平楚

謝玄暉詩云寒城一以眺平楚正蒼然平楚猶平野也呂延濟乃用翹翹錯薪言刈其楚謂楚木叢便覺意象

殊窘凡五臣之陋類若此

唐子西語錄

謝朓詩寒城一以眺平楚正蒼然楚叢木也登高望遠見木杪如平地故云平楚猶詩所謂平林也陸機詩安轡遵平莽謝語本此唐詩燕掠平蕪去又遊絲蕩平綠又因謝詩而衍之也

升菴詩話

### 佳麗

韓子佳麗也者邪正之分也戰國策宮中佳麗好玩又云趙天下善為音佳麗人之所出也嚴安疏佳麗珍怪

順于耳目謝朓詩江南佳麗地佳麗字非始自謝也文

選注失引之

丹鉛  
餘錄

萬年枝

謝朓詩風動萬年枝唐詩青松忽似萬年枝三體詩注  
以為冬青非也草木疏云檍木枝葉可愛二月花白子  
似杏今官園種之取億萬之義改名萬歲樹即此也

同上

瑟居

梁武帝詩瑟居超七淨瑟與索同蕭索字一作蕭瑟則

索居亦得作瑟居也蓋瑟索借用字正作械

丹鉛  
四錄

### 護門草

王筠寓直詩霜被守宮槐風驚護門草物類志曰護門草出常山取置戶下或有過其門者草必叱之一名百

靈草

丹鉛  
餘錄

### 碑生金

陰鏗詩曰表柱應堪燭碑書欲有金上句用張華然燭化狐事下句碑生金事人鮮知之考水經注魏受禪碑

六字生金論者以為司馬金行故曹氏六世而晉代之也又符子曰木生蝎石生金又賈逵祠前碑石生金干寶以為晉中興之瑞郭璞傳碑生金庾氏禍至矣陰所用益出此

同上

鄉里

古人稱妻曰鄉里沈休文山陰柳家女詩云還家問鄉里詎堪持作夫南史張彪傳曰我不忍令鄉里落他處姚令威曰今會稽人曰家里其義同也

西溪叢語丹鉛續錄曰俗語

云鄉里夫妻步步相隨言  
鄉不離里如夫不離妻也

### 鳳船

博雅船艚舟也船音墨隋志有龍舟鳳船  
丹鉛續錄



欽定四庫全書

古詩紀  
卷一百五十三

古詩紀卷一百五十三